

FISCAL LO DUNA ORDEN PA DESTRUI 50 KILO DI COCAINA

ORANJESTAD (AAN): Te ainda tin ningun pista di e persona desconoci cu lo a entrega dos maleta na Aeropuerto Internacional

Reina Beatrix, cualnan tabata pata-pata di Cocaina.

Efectivonan keto bay ta investiga profundamente e caso aki. Tin varios persona

cu lo a worde interroga relaciona cu e dos maletanan carga cu 50 kilo di Cocaina.

E maletanan aparentemente sin doño a worde des-

cubri na momento cu lo ta tin un chequeo ta tumando lugar. Sin cu esaki tin etiqueta dificilmente e maletanan lo por a pone

esaki abordo di e avion.

Esnan responsable lo a haya lo ta prudente pa notifica autoridadnan local, como e maletanan lo ta tin un aspecto masha sospechoso.

Ora cu a habri e dos maletanan pa controla su contenido a worde descubri gran cantidad di Cocaina. Mesora alarma a worde bati.

Cu e descubrimiento aki por bay saca afor cu droga ta sigui drenta sea via di haf, Aeropuerto of costa. Un forma of otro lo mester tin un cartel na unda lo ta sconde droga na granel.

E carga di 50 kilo di cocaina no ta wega! E caso aki ta un hopi serio. Pa basta tempo caba autoridadnan competente no a pone man riba un cantidad grandi asina.

Dentro di poco e despacho di Fiscal lo ta bay duna orde pa destrui e Cocaina.

Investigacion a termina y rapport a ser entrega

PERSONAL DI VROM TA ANCIOSO PA SA DECISION DI GOBIERNO

ORANJESTAD(AAN) -- Recientemente e investigacion na VROM a termina y un rapport a ser entrega na Gobierno.

Relaciona cu esaki, DIARIO a ricibi un fax firma pa personal di VROM caminda nan ta expresa cu nan ta en espera di un solucion.

E personal a indica cu desde cu Gobierno a institui e Direccion VROM na September 1992, e departamento aki no a funciona manera debe ser.

Segun e personal, mas y mas for di diferente instancia, critica tabata worde lanza riba e funcionamiento di e director. Desde algun luna pasa e actitud di e director pa cu e personal a bira asina arrogante, cu esaki a crea un situacion insostenible y cu personal a acudi na e Ministro concerni pa su intervencion.

Personal di VROM a indica cu den un reunion cu Ministro den presencia di e director, a entrega un lista cu kehonan serio den direccion di e director. Segun e personal, nan a mustra Ministro cu nan no tin ningun confianza mas den e director y cu pa bienestar di e departamento a pidi pa kita e direccion di e departamento for di e director y por lo pronto, den su lugar instala un management team consistiendo di 3 persona di personal. Alavez e personal a sugeri pa busca un interim-manager for Hulanda cu am-

plio experiencia y conocimiento.

Ministro a laga ehecuta un investigacion preliminar cu no a duna resultadonan concreto. Mirando e seriedad di e problema, Ministro concerni a hiba e problematica aki na Consejo di Ministro.

Consejo di Ministro e ora ey a dicidi di laga Project Bureau Reorganisatie haci un investigacion general encuanto funcionamiento di

VROM.


Segun e personal, e rapport encuanto e investigacion a worde entrega ayera na Promer Ministro Eman y na Ministro di Transporte y Comunicacion, Glenbert Croes, pa decision.

E personal a indica cu mientrastanto e situacion a bira asina critico, cu finalmente mester a cera e oficina di VROM durante henter e siman cu a pasa.

Personal ta spera cu Gobierno lo tuma un decision rapido y husto pa soluciona definitivamente e problema na asina VROM por sali padilanti y cumpli cu su tareanan na beneficio di nos comunidad.

Personal ta spera cu den e reunion di Consejo di Ministro awe, lo trata e asunto di VROM cu diligencia. Personal di VROM ta en espera di decision di Gobierno.

SINTERKLAAS CORUPOENTJE, GOOI WAT IN M'N SCHOENTJE!!



Telefon di
DIARIO
26747